



Universitätsbibliothek Paderborn

Occupatio animae Jesu Christo crvcifixo devotee.

Leroy, François

Pragae, 1666

§.3. Quandam ejusmodi sacrarum Stationum speciem posse ab unoquoque privatim sibi constituti.

[urn:nbn:de:hbz:466:1-47123](#)

des coram amantissimo Salvatore cor tuum, gratias agens quod tua vermis ingratissimi causâ, hoc illudve supplicium quod quæque Statio repræsentat, tanto amore subire dignatus sit; commendánsque illi animam tuam, & per hanc passionem enixè rogans, ne tantus labor pro te suscepimus, cassus sit, aut sanguis ejus tibi in vanum effusus: quam in rem extant certæ quædam precandi formulæ, unicuique Stationi congruentes. Atque ad idem utiles esse possunt nonnullæ etiam ad JESUM Endologiae Bloßianæ, quæ facile ad propria Stationum mysteria accommodabuntur.

Ad extremum ab eo spectaculo percutiens pectus revertere, atque ardenti quodam incensus desiderio, propensiū ei, qui tuā causâ tanta passus sit, in posterum serviendi.

¶. 3.

Quandam ejusmodi sacrarum Stationum speciem posse ab unoquoque privatim sibi constitutu.

Sed quoniam non ubique locorum, ejusmodi passionis Christi Stationum usus aut copia est; facile erit Crucifixi amatori, rationem aliquam excogitare, quâ eas privatum sibi constitutat, in iisque fese pro libitu & affectu exerceat,

Primum enim potes, illas solâ sibi imaginatione construere; sumptis ad id locis idoneis, quibus has illâsve passionis Christi partes assinges, earumque imaginibus, solâ mente effectis atque affixis, loca singula insignias. Nam has ubi semel vivâ cogitatione unicuique loco alligaveris, & rei totius constructionem usu aliquo confirmaveris; perinde tibi promptum fuerit, ipso locorum admonitu in memoriam venire cujusque mysterij, & sensus cuique accommodatos accipere, atque si reipsâ earum rerum formis auctor simulacris loca singula essent inscripta.

Proinde hac arte invenio virum sanctum Henricum Susonem mirificè usum atque adjutum fuisse. Hic etenim prout

prout in ejus vita scriptum est, noctibus singulis, post im- *Vit. e. 15.*
pletum cum fratribus Matutinum officium, Cœnobij am-
bitum (quem vocant) eique vicina quædam loca obibat,
quibus ipse solâ mentis designatione, certa passionis Christi
mysteria attribuerat atque impresserat, exorsus ab ultima
cœna, pérque omnes suppliciorum gradus ad montem usq;
Calvariae progrediens; ubique veluti Christum affectans,
ac passuum ejus vestigia exosculans, tam vivâ atque efficaci
rerum specie, ut Christum ipsum coram cernere, ejusque
ad mortem tendentis adharere lateri videretur.

Nec absimile multum, tametsi id retrusum magis, nec
cuvis svadendæ aut usurpandæ industria est, quod de Vene-
rabilis Simone Valentino proditur. Qui nempe sextis fe-
tis solebat, antelucanis horis aut vespertino crepusculo,
eam Urbis viam, quæ facinorosos ad patibulum duceret, so-
litarius ac moestus ingredi, int̄erque eundum comploratio-
ne ac gemitu loca omnia completere, perinde ac si Dominum
Iesum, ad feralem Calvariae collem, tractum consecraretur.
Evenitque aliquando, ut piæ servi sui sedulitati, seu appro-
bandæ seu memorandæ, ipse Dominus inter vias ei se spe-
ctandum præberet, eo habitu apparatique, quo vel reipsa
ad Calvarium ductus esset, vel inter ipsa crucis supplicia-
versatus.

Deinde (quod obvia magis & facilioris est operæ) po-
tes, si ita res tulerit, vel intra secretum cubiculi tui, hoc
quidquid est piæ exercitationis exequi; ejus parietes instru-
endo dispositis circùm per intervalla pijs Christi passi ima-
ginibus: quas deinde quando aut quoties libuerit, nullo
obstrepente, nullo interpellante, nullo (extra Deum & Cœ-
lites) concio, animi potius quam pedum passibus (quan-
quam & his etiam) obeas, ad quas pronus accidas, quas
prece aliquâ seu voce seu mente conceptâ, piâque ad extre-
num osculatione, devenereris, eoque captando velut spiri-
tuali refrigerio, partem aliquam temporis transmittas.

*Piger. in
Vita.*

ROY

GRADU
EU

VI

Et simili aliquo exercitij genere, intra cellæ sua solita-
dinem usam esse B. Ritam, indicavimus.

Quæ sanè privatuarum Stationum ratio, his præcipue
conveniet Virginibus, quibus sive per vitæ conditionem,
sive per parentum arbitrium, sive per sexus verecundiam,
morēmve patrium, ad publicas illas minùs prodire licuerit.
In quas illud quadret verbum B. Hieronymi, S. Virginis Eu-
stochio, ne visitandi Martyrum reliquias, aliūsve similis re-
ligionis obtentu, foris vagari appetat, in hunc modum præ-
cipientis: *Rarus sit egressus in publico: Martyres tibi (addo
ego, & Stationes) querantur in cubiculo tuo.*

*Postremò, ut alia desint, nihil est sanè quod minùs, sal-
tem spirituali ratione, ejusmodi Christi patientis Stationes
in corde tuo quodammodo constitutas & ædifices, animum
que eorum mysteriorum imaginibus insignitum, tanquam
ipsa Christi cruciatum loca, assiduè tecum circumferas.
Quò item spectare videtur, illa antè à nobis memorata feli-
cissimi Abbatis Blasij hortatio: *Dcpinge mentem tuam
suavissimis imaginibus passionis ejus, & floridam Dominica cru-
cis arborem plantā in medio cordis tui.**

Ita videlicet, ut cor tuum tibi sit pro colle Calvariz,
pro horto Gethsemani, proque alijs mysteriorum locis, quo-
rum cordi inditis atque infixis imaginibus, animum tuum
instruxeris.

De B. Coleta Ordinis S. Claræ reformatrice ita scribit
autor ipius vita: *Loca sancta quæ Christus suā presentiā &
lim in terris degens mirificè sacravit & ornavit, cum multar-
uerentia & devotione habebat impressa cordi suo.* Eodem
que pertinet illud B. Hieronymi: *Felix qui crucem & resur-
rectionem & locum Nativitatis Christi & locum ascensionis por-
tat in pectore suo.* Et infra: *Beatus qui Betlehem habet in
corde suo, in cuius corde Christus quotidie nascitur, &c.* Et
monne passionis & nativitatis loca in corde suo portabant
BB.

Ep. 22.

Spec. spir.
c. 10.

Vit. c. 36.

Mpf. 95.

BB. Virgines, Clara de monte Falco & Margarita de Castello in quarum dissectis cordibus, hujus quidem Christi in stabulo nascentis tribus in lapillis effigies, illius autem passionis ejusdem insignia omnia, expressa inventa fuere.

Vit. c. 8.

Vit. Franc.

Caes. c. 20.

Tandem quod aliqui cum B. Alberto Magno homini spirituali præcipiunt, ut Iesu crucifixo templum in corde suo exædificet; hoc in rem nobis propositam ita licet extende: ut, quod in sacris Basilicis fieri afferat, in quibus prater aram principem, plura per circuitum Sacella, alijs atque alijs Cœlitibus dedicata conspicimus; idem nobis in hac interioris templi ædificatione servandum existimamus. Erigatur sanè ara princeps qua Iesu Christo crucifixo sacra sit, & ipsum nobis repræsentet Calvaria montem: at plura per ædis ambitum constituantur Sacella, reliquis passionis mysterijs accommodata & consecrata. Ut has domesticas & penetrales Stationes circumgestans, ad eas, ubique fueris & quoties volueris, te referas; atque in ijsdem piâ cogitatione collustrandis, sive in quacunque vite necessitate familiare per fugium, sive inter occupationes & turbas, jucundum secessum invenias.

Et ô beatum illud Spiritus S. templum (exclamat in argumen-
to simili Guilielmus Abbas in suis meditationibus) de quo
exaltatum in cruce Christum nulla exterminat oblivio, & re-
cens semper decurrit sanguis in salutem credentis & amantis, &
jungit operatur quod postulat propheta: Redire me, & mi-
serere mei! Toties enim redemptionis nostræ in nobis celebra-
tur effectus, quoties eam recolit pius supplicantis affectus.

Tale aliquod templum in corde suo ædificare stude-
bat, alias à nobis memoratus P. Petrus Faber, uti proditur
in ejus vita.

•(S)(•)(S•)

D d

CA-